



## শর্তাবলী:

- আবেদনপত্রের সাথে প্রতি স্টলের ফি ১০,০০০/- টাকার পে-অর্ডার 'এসএমই ফাউন্ডেশন জেনারেল অ্যাকাউন্ট' বরাবর অথবা ১০,২০০/ টাকা এসএমই ফাউন্ডেশনের বিকাশ মার্চেন্ট নম্বর ০১৭৭৫৯০৮৮০৬ এ (স্টল ফি ১০,০০০ টাকা + চার্জ ২০০ টাকা) প্রেরণ করতে হবে।
- সু্যভিনির এ বিজ্ঞাপন প্রচারে আগ্রহী হলে বিজ্ঞাপনের ফি 'এসএমই ফাউন্ডেশন জেনারেল অ্যাকাউন্ট' শিরোনামে পে-অর্ডার অথবা বিকাশের চার্জসহ ফাউন্ডেশনের বিকাশ মার্চেন্ট নম্বরে প্রেরণ করতে হবে।
- মেলায় অংশগ্রহণকারী প্রতিষ্ঠান নির্বাচনের ক্ষেত্রে নিম্নোক্ত বিষয়সমূহ বিবেচনা করা হবে:
  - দেশীয় উৎপাদনকারী অথবা সেবামূলক মাইক্রো, ক্ষুদ্র ও মাঝারি শিল্পই<sup>১</sup> শুধুমাত্র মেলায় প্রদর্শন ও বিক্রয়ের সুযোগ পাবে।
  - 'জাতীয় শিল্পনীতি-২০১৬' অনুযায়ী উচ্চ অগ্রাধিকার/অগ্রাধিকারপ্রাপ্ত খাত হিসাবে চিহ্নিত কৃষি/খাদ্য প্রক্রিয়াজাতকরণ এবং কৃষি যন্ত্রপাতি প্রস্তুতকারী শিল্প, আইসিটি/সফটওয়্যার শিল্প, চামড়া ও চামড়াজাত পণ্য শিল্প, লাইট ইঞ্জিনিয়ারিং শিল্প, পাট ও পাটজাত শিল্প, প্লাস্টিক শিল্প, হস্ত ও কারুশিল্প, জুয়েলারি (কৃত্রিম), খেলনা এবং আগর শিল্পের সাথে সম্পৃক্ত এসএমই প্রতিষ্ঠানসমূহকে মেলায় অংশগ্রহণের ক্ষেত্রে অগ্রাধিকার প্রদান করা হবে।
  - এসএমই ফাউন্ডেশন কর্তৃক চিহ্নিত ক্লাস্টারসমূহের, তৃতীয় লিঙ্গ, অটিজম এবং উপজাতি উদ্যোক্তাদের এ মেলায় অংশগ্রহণের ক্ষেত্রে অগ্রাধিকার প্রদান করে স্টল বন্টন করা হবে।
  - আমদানিকৃত পণ্য মেলায় প্রদর্শন করা যাবে না, প্রদর্শন করলে তাৎক্ষণিকভাবে তার স্টল বরাদ্দ বাতিল করা হবে।
  - পণ্য/সেবা যথেষ্ট গুণগত সম্পন্ন হতে হবে। প্রদর্শিত পণ্যের বিএসটিআই সার্টিফিকেট বাধ্যতামূলক হলে তা থাকতে হবে। আইএসও সার্টিফিকেশন প্রাপ্ত কোম্পানি প্রাধিকার পাবে।
  - রপ্তানিযোগ্য অথবা রপ্তানি হচ্ছে এমন পণ্যকে মেলায় প্রদর্শন ও বিক্রয়ের ক্ষেত্রে অগ্রাধিকার দেয়া হবে।
  - মেলায় সৃজনশীল/ইনোভেটিভ পণ্য/সেবা প্রদর্শনের ব্যাপারে অধিকতর গুরুত্ব প্রদান করা হবে।
  - নারী উদ্যোক্তাদের অগ্রাধিকার প্রদান করা হবে।
  - ব্যবসা প্রতিষ্ঠানের হালনাগাদ ট্রেড লাইসেন্স, টিআইএন, ভ্যাট রেজিস্ট্রেশন সার্টিফিকেট এবং জাতীয় পরিচয়পত্রের ফটোকপি জমা দিতে হবে।
- এসএমই ফাউন্ডেশন যে কোন আবেদন গ্রহণ বা বাতিল করার অধিকার সংরক্ষণ করে। মেলায় অংশগ্রহণকারীদের চূড়ান্ত তালিকা এসএমই ফাউন্ডেশনের ওয়েব সাইট ([www.smef.gov.bd](http://www.smef.gov.bd)) এবং ফাউন্ডেশনের কার্যালয়ে পাওয়া যাবে। স্টল বরাদ্দ চূড়ান্ত হওয়ার পর স্টলের ফি ফেরতযোগ্য নয়। কোন উদ্যোক্তা আবেদন করে স্টল বরাদ্দ না পেলে তাদেরকে স্টলের ফি ফেরত দেয়া হবে।
- মেলায় অংশগ্রহণকারী প্রতিষ্ঠানের উদ্যোক্তাকে মেলা কর্তৃপক্ষ হতে গেটপাস সংগ্রহ করতে হবে।
- অপর কোন পক্ষের কাছে বরাদ্দকৃত স্টল হস্তান্তর/সাবলেট দেয়া যাবে না। এই নিয়মের ব্যত্যয় ঘটলে স্টল বরাদ্দ বাতিল হবে এবং সেক্ষেত্রে স্টলের ফি ফেরতযোগ্য হবে না।
- একটি প্রতিষ্ঠানের নামে সর্বোচ্চ ২টি স্টলের জন্য আবেদন করা যাবে।
- অ্যালুমিনিয়াম স্ট্রাকচার স্টল, ডিজিটাল স্টিকার প্রিন্টসহ ফ্যাসিয়া, চেয়ার-২টি, টেবিল-১টি, স্ট্যান্ড ফ্যান-১টি, টিউবলাইট-১টি, ওয়েস্ট বিন-১টি, পাওয়ার সকেট-১টি সরবরাহ করা হবে।
- মেলায় ইলেকট্রিক হিটার, ফ্রিজ, ওভেন কিংবা উচ্চ ক্ষমতার বৈদ্যুতিক যন্ত্রপাতি ব্যবহার করা যাবে না।
- প্রতিটি স্টলের জন্য বরাদ্দকৃত বৈদ্যুতিক সংযোগ ছাড়া বিশেষ আর কোন বৈদ্যুতিক সংযোগ দেয়া হবে না।
- মেলা প্রাপ্ত সিকিউরিটির ব্যবস্থা থাকলেও অংশগ্রহণকারীর মালামাল চুরি বা হারানোর জন্য মেলার আয়োজক দায়ী থাকবে না। প্রতিদিন মেলা শুরু সময় হতে শেষ পর্যন্ত একজন প্রতিনিধি অবশ্যই স্টলে থাকতে হবে।
- মেলার গেটে এবং এর আশে পাশে '৯ম জাতীয় এসএমই পণ্য মেলা ২০২১' এর ব্র্যান্ডিং করা হবে। আলাদাভাবে প্রতিষ্ঠানসমূহ ঐ সকল স্থানে তাদের নিজ নিজ প্রচারসামগ্রী (যেমন: ব্যানার, পোস্টার, ফেস্টুন, লিফলেট প্রভৃতি) প্রদর্শন অথবা বিতরণ করতে পারবে না। অংশগ্রহণকারী প্রতিষ্ঠানসমূহ শুধুমাত্র তাদের নিজস্ব স্টলে প্রচার সামগ্রী প্রদর্শন ও বিতরণ করতে পারবে।
- বঙ্গবন্ধু আন্তর্জাতিক সম্মেলন কেন্দ্র (বিআইসিসি) কর্তৃপক্ষ মেলার ভেন্যুতে বাহিরের কোন খাবারের অনুমতি প্রদান করে না, বিধায় খাবার সরবরাহকারী কোন প্রতিষ্ঠান (প্যাকেটজাত খাদ্য ও কৃষি প্রক্রিয়াজাত সামগ্রী যেমন-জ্যাম, জেলি, আচার, জুস, সস, মধু, আচার, গুড়া মসলা, মাশরুমজাত পণ্য, বেকারি সামগ্রী প্রভৃতি ব্যতীত) এ মেলায় অংশগ্রহণ করতে পারবে না।
- মেলায় শব্দদূষণ/পরিবেশ দূষণ হয় এমন কোন কার্যক্রম গ্রহণ করা যাবে না।
- স্টলের মালিকগণ নিজ নিজ দায়িত্বে তাদের স্টলের পরিষ্কার-পরিচ্ছন্নতা বজায় রাখবেন।
- মেলা প্রাপ্তগণে অনৈতিক/অশালীন/অসামাজিক/অবৈধ কোন কার্যক্রম গ্রহণ করা যাবে না।
- জনগণের ধর্মীয় অনুভূতিতে আঘাত করে এমন কোন কার্যক্রম বা বাংলাদেশের ইতিহাস, সংস্কৃতি, ঐতিহ্য, কৃষ্টি ও সামাজিক রীতি-নীতি পরিপন্থী কোন কিছু প্রদর্শন করা যাবে না।
- মেলায় কোন প্রকার নকল পণ্য প্রদর্শন/বিক্রয় করা যাবে না। এক্ষেত্রে, পাইরেসি, কপিরাইট, ট্রেড মার্কস ইত্যাদি আইনের দ্বারা সৃষ্ট আইনী জটিলতার দায়-দায়িত্ব এসএমই ফাউন্ডেশন বহন করবে না।
- এসএমই ফাউন্ডেশন এই মেলা আয়োজনের সময় এবং এ সংক্রান্ত যে কোন কার্যক্রম কোন কারণ দর্শানো ব্যতীত স্থগিত, পরিবর্তন বা বাতিল করার অধিকার সংরক্ষণ করে।
- আবেদনকারী কর্তৃক প্রদত্ত তথ্য উপাত্ত যাচাইয়ের লক্ষ্যে প্রয়োজনে সরেজমিন অনুসন্ধানের অধিকার এসএমই ফাউন্ডেশন সংরক্ষণ করে।
- স্টল বরাদ্দ এবং অবস্থান নির্ধারণের ক্ষেত্রে এসএমই ফাউন্ডেশন কর্তৃক গৃহীত সিদ্ধান্তই চূড়ান্ত বলে গণ্য হবে।

<sup>১</sup> 'জাতীয় শিল্পনীতি-২০১৬' এ বর্ণিত মাইক্রো, ক্ষুদ্র ও মাঝারি শিল্পের সংজ্ঞা অনুযায়ী, ম্যানুফ্যাকচারিং এসএমই প্রতিষ্ঠান (জমি এবং কারখানা ভবন ব্যতিরেকে স্থায়ী সম্পদের মূল্য ৭৫ লক্ষ টাকা থেকে ৫০ কোটি টাকা অথবা ৩১-৩০০ জন শ্রমিক নিয়োজিত), সেবামূলক এসএমই প্রতিষ্ঠান (জমি এবং কারখানা ভবন ব্যতিরেকে স্থায়ী সম্পদের মূল্য ১০ লক্ষ থেকে ৩০ কোটি টাকা অথবা ১৬-১২০ জন শ্রমিক নিয়োজিত) এবং মাইক্রো শিল্প (ম্যানুফ্যাকচারিং: জমি এবং কারখানা ভবন ব্যতিরেকে স্থায়ী সম্পদের মূল্য ১০ লক্ষ থেকে ৭৫ লক্ষ টাকা অথবা ১৬-৩০ জন শ্রমিক নিয়োজিত, সেবামূলক: জমি এবং কারখানা ভবন ব্যতিরেকে স্থায়ী সম্পদের মূল্য ১০ লক্ষ টাকার নীচে অথবা সর্বোচ্চ ১৫ জন শ্রমিক নিয়োজিত) মেলায় অংশগ্রহণ করতে পারবে।